

# Na Chungkhar Holh(pawl) Zohkhenhnak

Nanchungkhar holh nak nih hmailei ca holh tthanchonak a hram a fehter. Na fa nih tam deuh a hmuh, a theih ii holh he biatak ten aa pehtlaih ahcun fawi te in holh phunkip aa lak kho.

Victoria ii Hmasa Thiamsang pawl cu *Victorian Hmasa Cawning le Tthanchonak Tungtlang Tungtlang (Victorian Early Years Learning and Development Framework)* (VEYLDF) nih lam a hmuhsak hna. Holh phunphun chim cu tungtlang nih a tha hnem mi ah a chiah i ngakchia nih an chungkhar holh (pawl) cu a dirkamh i a thancho ter lai tiah ruahchannak a um ter. cun mirang ca cu chapchin mi holh in cawn, Hmasa lei Cacawnkum le Zohkhenhnak programs (VEYLDF, 2016) kai pah in holh dang cu mirang ca nak in papek deuh in cawn.

Na fa nih chungkhar holh a kilkamh, a dirkamh it a tthanchoter mi nih tthathnemnak tampi a chuaipi:

- Chungkhar holh an hmannak thawng in na ngakchia cu a theihngalnak le tthanchonak a tthathnem lai.
- Na chungkhar holh (pawl) dirkamh cu chungkhar ii pehtlaihnak, pehtlaihnak sernak le ngeih duhnak lungput ah a biapi tuk mi a si.
- Chungkhar holh (pawl) cu na ngakchia ii a sining, a phunglam le a ngandamnak he tthen awk ttha lo in an i pehtlai.
- Nan chungkhar holh naal ngai in chim khawhnak nih na fa cu mirang ca a cawn chapnak ah a bawmh khawh.

VEYLDF (2016) nih cachim tu pawl cu ' thiamnak le hmasabik ah chiahmi a siloah inn ah hmanmi holh cu thil biapi le miphun sinak sersiamnak a si' tiah a hrilhfiak hna (pg. 18). Cucaah, a herh bik mi ah aa tel mi, mirang ca cu kemhmi holh ah cawn in chungkhar nih hmanmi holh (pawl) zong tthancho ter chih cu ca chimtu pawl le chungkhar kap hnih ii bawm chan in ngakchia pawl thazaang pek le dirkamh cu an rian ngan bik pakhat a si.

## Ngakchiat lio Fimthiamnak le Pawngkam Zohkhenhnak ah Chapmi Holh bantuin Mirang holh Tthanchonak

Na fa nih Vicotrian Ngakchiat lio Fimthiamnak Pawngkam Zohkhenhnak ah Mirang ca cawnnak ah caan ttha a ngeih lai. Thil dikthliar in kawlnak nih a kan chimh mi cu

'ngakchia pawl nih mirang ca (asiloah a dang holh) cu holh he ii tawngthamnak, biatak in cawnnak, zaan ze i maw zat pek in holh thar cawnnak thaw ngin fawi te ah an thiam khawh' ti a si (VEYLDF, 2016, pg. 22).

Holh phunkhat thiamnak nih ngakchia cu zeitin dah a dang holh pawl an um ning a si cio ti kha a hngalhter. Ngakchia nih holh phunkhat an thiamnak ii a muru cu a dang holh thar cawnnak ah an hman khawh. Chungkhar nih hman mi holh hmang in ngakchia nih a dang holh pawl ii an sining le biafang cu sullam a ngeihter. Na fa cu mirang ca boruak ah biatak tein a lung a um ahcun, mirang holh cun a phunphun in theih khawhnak caan ttha an ngei. Midang ngakchia he hmunkhat ah len te celh an duh tikah cachim tu pawl nih a ttha mi bawmhak an pek hna lai i na ngakchia cu mirang holh theih le chim khawh ve nak caan ttha a hmu lai.

Kaar khat tete'n hngalhmi holh lei thiamnak muru he aa pehtlai mi siangngakchia i a hmasa holh cu holh thar cawnmi le boruak ah an lang. Caan khat ah holh tampi a cawngmi ngakchia pawl cu caan ze i maw zat, caan tlawmpal ah midang ngakchia pawl nak in holh tam deuh an holh kho. A hram thawk ahcun ngakchia nih holh phunphun an cawh khawh. Bia pakhat cu holh phunkhat in an hngalh i a dang holh in an hngal lo. An bia kaa thawt khawhnak hnga, an theihmi biafang pawl an hman. Ngakchia nih holh tampi lawnh in an holh fawite le tluangte in an chim khawh mi cu a si tawnmi a si ko.

## Hngalhdingu...

Holh thar hmangin bia tak tein le tluangte in bia ii ruah khawhnak ah caan ze i mawzat a herh bantuin in pawngkam ii upa pawl sin in hneknak a um lo a herh, a rung cu holh thar kemh in an cawn lio a si.

Ngakchia vialte nih an chungkhar holh (pawl) an chim i an cawn cu co hlan awk tlak a si (UNCRC, 1989).

### Cherhchan mi pawl

Department of Education and Training, 2016. *Victorian Early Years Learning and Development Framework*.

UNICEF, 1989. *United Nations Convention on the Rights of the Child* (UNCRC).